

ՀԱՅԿԱԿԱՆ ԼԵՌՆԱՇԽԱՐՀԸ ԽՈՒՌԻ-ԽԵԹԱԿԱՆ
ՌԱԶՄԱՔԱՂԱՔԱԿԱՆ ՓՈԽՀԱՐԱԲԵՐՈՒԹՅՈՒՆՆԵՐԻ ՈԼՈՐՏՈՒՄ

Հ. Մ. ԱՎԵՏԻՍՅԱՆ

Մ. թ. ա. III հազարամյակի վերջում Հայկական լեռնաշխարհում պատմական կարևոր փոփոխություններ են տեղի ունենում: Սև փայլեցրած խեցու մշակույթը Հայկական լեռնաշխարհի տարբեր մասերից որոշ ցեղախմբերի տեղաշարժի հետևանքով ներթափանցում է Արևելքի նշանավոր կենտրոններ՝ Կիլիկիա (Մերսին բնակավայրը), Հյուսիսային Սիրիա (Ամուկ 2-րդ և 1-ին շերտերը), Պաղեստին (Կիրբեթ-Կերակը, Բեթշենը), Ուրմիո լճի արևելյան և արևմտյան շրջանները (Գեոլթեփեն, Յանդթեփեն) և այլ բնակավայրեր¹: Այս մշակույթի տարածման ոլորտում, մասնավորապես Սիրիայում, Պաղեստինում, որտեղ արդեն վաղուց տարածված էր սեմական տարրը, Փոքր Ասիայի հարավ-արևելքում և այլ բնակավայրերում, ինչպես վկայում են սեպագիր աղբյուրները, դեռևս մ. թ. ա. XIX—XVIII դդ. տարածված են լինում խուռիական ցեղախմբերը²: Սա թույլ է տալիս եզրակացնել, որ սև փայլեցրած խեցու մշակույթը նաև-խուռիական է և խուռիների միջոցով է տարածվել հիշյալ բնակավայրերում:

Ժամանակի ընթացքում հաստատվում են խուռիական դինաստիաներ Ուրկիշում (Հյուսիսային Միջագետքում), սրտեղ սկսում է իշխել Թիշադալ բուրմը, Առապիայում (Տիգրիսից արևելք՝ Ադեմ գետի ափին), Եփրատից դեպի արևմուտք գտնվող հաստավա, Ուրշու, Մամա քաղաքներում, Կիցցուվատնայում (Կիլիկիայի տարածքում), Իսուվայում (Մոփեր), Ալզիում (Ադժընիքը), Շուբրիայում (Սասունի տարածքում):

Մ. թ. ա. XVII դարի երկրորդ կեսին խուռիների տարածման ոլորտում, մասնավորապես Հյուսիսային Միջագետքում, ստեղծվում է քաղաքական նոր իրադրություն: Դեպի այս տարածք, Ուրմիո լճի շրջակայքից շարժվում են խուռիական նոր ցեղախմբեր, որոնք ղեկավարվում էին հնդարիական ծագում ունեցող դինաստիայի կողմից: Նրանց հաջողվում է համախմբել խուռիական մի շարք դինաստիաներ և ստեղծել Միտաննի-հանիդալբատ հնդարիական դինաստիա ունեցող հզոր խուռիական թագավորություն:

Մոտավորապես այս ժամանակաշրջանում Փոքր Ասիայում կազմավորվել և հզորացել էր իսթական պետությունը: Վաղ իսթական աղբյուրների վկայությամբ, իսթական թագավորները կարողանում են կանխել խուռիների հետագա ընդարձակումը:

Առաջին իսթա-խուռիական ռազմական ընդհարումների պատմությունը արձանագրված է իսթական թագավոր Խաթուսի I-ի (մ. թ. ա. XVII դարի վերջ) ինքնակենսագրության մեջ³: Դրանք տեղի են ունեցել հիմնականում Վերին Եփրատի և Հյուսիսային Սիրիայի երկրներում: Վերին Եփրատում, որպես իսթական պետության հակառակորդներ հիշատակվում են հաստավա

¹ Հայ ժողովրդի պատմություն, հ. 1, Երևան 1971, էջ 139:

² Г. М. Аветисян. Государство Митанни (военно-политическая история в XVII—XIII вв. до н. э.), Ереван, 1984, с. 9—10:

³ F. Imparati, Cl. Saporetti. L'autobiografia di Hattušili I (edizione italiana, versione accademica).—SCO, XIV, 1965, p. 44—77; Хрестоматия по истории Древнего Востока. I, М., 1980, с. 263 (Վ. Վ. Իվանովի թարգմանությունը):

8 Մուրսիի I-ը չի անցնում Հայկական լեռնաշխարհի և Միտաննիի սահմանները՝ նա բախվում է Եփրատի արևմուտքում հաստատված խուռիական քաղաքական միավորումների և, հավանաբար, դրանց օգնության ժամանած միտանական որոշ ջոկատների հետ (տե՛ս Г. Г. Гигоргадзе. Хетты и хурриты..., с. 80)։

հրամանագրի տեքստում⁹, Մուրսիլի I-ը պարտության է մատնում հակառակորդի ուժերը, հավանաբար, կասիտների¹⁰ օգնությամբ, որոնք, ինչպես կարելի է ենթադրել անուղղակի տվյալներից, խեթերի դաշնակիցներն էին: Հետևաբար, սլաուհական չէ, որ այս հաղթանակից հետո Բաբելոնում ստեղծվում է կասիտների դինաստիան (մ. թ. ա. 1595—1155 թթ.), իսկ Հյուսիսային Սիրիայում և Վերին Եփրատի աջափնյակում ամրապնդվում են խեթական պետության դիրքերը:

Շուտով քաղաքական իրադրությունը փոխվում է: Մուրսիլի I թագավորը ղոհվում է մ. թ. ա. 1595 թ. պալատական դավադրության հետևանքով¹¹, 'Խահը գրավում է նրա քրոջ՝ հարապսիլի ամուսինը՝ հանթիլին: Վերջինիս իշխանության տարիներին խուռիները կրկին ներխուժում են հաթիի սահմանները: Նրանք, ինչպես ենթադրվում է, խեթական պետության ընդդիմադիր ուժերի աջակցությամբ դերեվարում ու մահապատժի են ենթարկում հարապսիլի թագուհուն որդիների հետ միասին¹², հանթիլի մահից հետո երկրում դահակալական կռիվներ են սկսվում: Իշխանությունը հաջորդաբար վերցնում են Յիգանտա I, Ամմունա, Խուցցիա և Թելեպինու թագավորները: Երբ վերջինս իշխանության գլուխ բարձրացավ (մ. թ. ա. XVI դարի երկրորդ կեսը), խեթական պետությունը թուլացել ու կորցրել էր իր ազդեցությունը հարակից շրջաններում: Թելեպինուն մեծ ջանքերի շնորհիվ վերականգնում է խեթական տիրապետությունը որոշ շրջաններում¹³ և Հյուսիսային Սիրիա հասնելու նպատակով քաղաքական պայմանագիր է կնքում Կիլիկիայի տարածքում արդեն կազմավորված ու հզորացած խուռի-լուվիական Կիցցուվատնա պետության Իշպուգախշու թագավորի հետ: Այս պայմանագրից մեզ հասել է հետևյալ հատվածը. DUB I^{KAM} iš-ḫi-ū-la-*<aš>* 'Išpuḫḫiṣuša LUGAL KUR-UKU Kizzuwatna 'Tellpinuša LUGAL KUR Hatti GIM-an iš-ḫi-ū-l ier «Առաջին աղյուսակը, այս պայմանագրի, երբ Իշպուգախշուն, Կիցցուվատնայի թագավորը և Թելեպինուն հաթիի թագավորը մի պայմանագիր կնքեցին»¹⁴: Նույն նպատակով և նույնպիսի պայմանագիր հետագայում Կիցցուվատնայի Պիլիա թագավորի հետ է կնքում խեթական Ցիդանտա II թագավորը¹⁵:

Այնուհանդերձ խեթական այս թագավորների առաջխաղացման ծրագրերը չեն իրականանում: Խուռի-միտանական թագավորները խեթական պետության դեմ ընդհանուր ճակատ կազմելու նպատակով իրենց շուրջն են համախմբում Կիցցուվատնան, Հյուսիսային Սիրիայի, Վերին Եփրատի և Հայկական լեռնաշխարհի քաղաքական միավորումները: Այս կապակցությամբ կարևոր տեղեկություններ են պահպանվել խեթական Սուպիլիուլիումա I (մ. թ. ա. XIV դարի կեսերին) և Կիցցուվատնայի Սունասսուրա II թագա-

⁹ E. Sturtevant, G. Bechtel. A Hittite Crestomally, Philadelphia, 1937, p. 184, № 9.

¹⁰ Կասիտների լեզվի պատկանելության հարցը մնում է անորոշ: Նրանք բնակվում էին Իրանի արևմտյան մասի լեռնային շրջանում: Նրանց մի ղանգվածը գեոևս մ. թ.ա. XVIII դարում ներթափանցել էր Միջագետք և հաստատվել Եփրատ և Խարուր գետերի խոռոհատեղի հարավում գտնվող Խանա երկրում:

¹¹ E. Sturtevant, G. Bechtel. A Hittite Chrestomally, p. 185, № 10—11.

¹² Г. Г. Гюргадзе. Хетты и хурриты., с. 81—83.

¹³ E. Sturtevant, G. Bechtel. A Hittite Chrestomally, с. 186, № 24.

¹⁴ H. Otten. Ein alt-hittitische Vertrag mit Kizzuwatna.—JCS, V (1951) № 4, s. 130.

¹⁵ Г. М. Аветисян. Из политической истории государства Киззуватны.—ДВ, 5, 1988, с. 7.

վորների միջև կնքված պայմանագրում: Պայմանագրի համվածներից մեկում Սուպպիլուլիուման ասում է... pa-na-nu-um a-na pa-ni[a]-bi a-bi-la¹⁶
 KUR,URU K[1-iz-zu-wa-at-ni] ša^{KUR,URU} IJa-at-ti[1]p-pa-ši arka^{ar-ka}-nu-um
 KUR,URU K[1-iz-zu-w[1-a-3]t-ni] z-na^{KUR,URU} IJa-a[t-ti]1p-tu-ur a-n[a^K]UR
 [1ur-ri] 13-bu-ur ... «Իմ պապի ժամանակից առաջ (Սուպպիլի II-ից առաջ մ. թ. ա. XV դարի վերջ—Հ. Ա.) Կիցցուվատնա երկիրը պատկանում էր Խաթթի երկրին: Հետագայում (հին խեթական պետության ճգնաժամի տարիներին—Հ. Ա.) Կիցցուվատնա երկիրը Խաթթի երկրից բաժանվեց, շրջվեց դեպի Խուռի (Միտաննի) երկիրը»¹⁷, Պայմանագրի մեկ այլ համվածում Սուպպիլուլիուման ասում է...URU¹⁸ L·1JA an-mu-ut-tim pa-na-a-nu a-na pa-ni a-bi a-bi-la a-na^{KUR} IJa-ri:1 il-li-ku-um-mi aš-ra-a-nu uš-bu-um-mi u ap-pu-n[a-a]ni-ma arka^{a-ka} a-na^{KUR} IJa-at-ti a-na LÜ^{MEŠ} mu-un-na-ap-ri-a[ti] il-li-ku-um-mi «Այս քաղաքները¹⁸, իմ պապի ժամանակից առաջ անցան Խուռի երկրի կողմը և այնտեղ հաստատվեցին: Հետագայում (նկատի ունի նրա պապի՝ Խաթթուսի II իշխանության տարիներին՝ մ. թ. ա. XV դարի վերջ—Հ. Ա.), որպես փախստականներ եկան Խաթթի երկիրը...»¹⁹,
 Միտաննին և նրա ղաջնակիցները միասնական ուժերով հակահարված են հասցնում խեթերին, ստիպելով նրանց շուրջ մեկ դար, վերանալ քաղաքական ասպարեղից: Խեթերը ծայրահեղ աստիճանի թուլանում են, անդամ չեն կարողանում դիմադրել իրենց երկրի խորքերը ներխուժած Միտաննիի Պարատառնա (մ. թ. ա. XV դարի սկիզբ) թագավորին: Խեթական Ալալախի իզրիմի թագավորի գործադրություններին²⁰, Այսպիսով, Առաջավոր Ասիայում առաջնակարգ տեղ զբաղեցրած խեթական պետությունը մ. թ. ա. XVI դարի երկրորդ կեսին ճգնաժամ է ապրում՝ իր տեղը զիջելով Հյուսիսասյին Միջագետքում զգալիորեն հզորացած Խուռիական Միտաննի-խանիզալբաս թագա-

¹⁶ pa-na nu-um a-na pa-ni a-bi a-bi-la պետք է թարգմանել «Իմ պապի ժամանակից առաջ (այսինքն Խաթթուսի II-ից առաջ—հին խեթական պետության ճգնաժամից առաջ—Բելեպիսու և Ցիզանտա II-ի իշխանության տարիներին, երբ Կիցցուվատնայի և խեթական պետության միջև դռնացել էին բարեգրացիական հարաբերություններ) և ոչ թե «Իմ պապի ժամանակ», ինչպես թարգմանել են է. Վալդերը (PDK, p. 91), Ա. Գեոեցեն (A. Goetze. Kizzuwa i a., p. 36—37) և ուրիշ հեղինակներ, իմ պապի ժամանակ—առաջգրեմն կլինի a-na .ar-ši a-bi a-bi-la կամ a-na pa-ni a-bi a-bi-la, (տե՛ս նաև PDK, № 1, էջ 4—6, տող 10—13, 19; № 6, էջ 82, տող 11; № 7, էջ 90, տող 10 և այլն):

¹⁷ PDK № 7, էջ 90, տող 5—7; A. Goetze. Kizzuwatna..., p. 36: Պայմանագրի տեքստում խեթական թագավորի անունը վնասված է: Կալգները սխալմամբ վերականգնել է Սուպպիլուլիումա I-ի թոռ՝ Մուվատալիի անունը, նրան հետևել են այլ հեղինակներ (տե՛ս օրինակ Ն. Ադոնց. Հայաստանի պատմություն. Երևան, 1972, էջ 49): Սակայն վաղուց հաստատվել է, որ պայմանագիր կնքող խեթական թագավորը Սուպպիլուլիումա I է (տե՛ս նաև A. Goetze. Kizzuwatna..., p. 59; Idem. On the Chronology of the Second Millennium B. C. JCS, XI (1957). № 3, p. 71); Ա. Պալատյան. Հայաստանի սեպագրական շրջանի պատմություն. Երևան, 1933, էջ 179:

¹⁸ Խոսքը վերաբերում է խեթական պետության հարավ-արևելքում գտնվող Գուրտալիսա, Արավաննա, Զալպիսա, Բեղարամա, Արմատանա և այլ քաղաք-պետություններին, որոնք ըստ PDK, № 1, էջ 4, տող 10—Սուպպիլուլիումայի հոր՝ Բուզխալիա III-ի (մ. թ. ա. 14-րդ դ. սկիզբը) իշխանության տարիներին ապստամբում են խեթերի դեմ և համախմբվելով Խուվայի շուրջը անցնում են Միտաննիի կողմը:

¹⁹ PDK, № 7, էջ 90, տող 14—17:

²⁰ S. Smith. The Statue of Idri-mi. London, 1949, p. 14—23, տող 64—77:

վորությունը: Վաղ խեթական պետության անկումից հետո միտանական թագավորները ստիպված են լինում դիմադրել եգիպտական 18-րդ դինաստիայի փարավոններին, որոնք արդեն դրավել էին Պաղեստինի և Սիրիայի որոշ շերտանները և փորձում էին իրենց իշխանությունը տարածել նաև Միտաննիի և զրան ենթակա Հյուսիսային Սիրիայի տարածքների վրա: Երկարամյա եգիպտա-միտանական հակադրությունները ավարտվում են մ. թ. ա. XV դարի վերջում, այն ժամանակ, երբ Փոքր Ասիայում կրկին զարթոնք է ապրում խեթական թագավորությունը: Ըստ երևույթին, հենց այս նոր թագավորության առաջխաղացման վտանգն էր, որ Միտաննիի Արտադամա I և Եգիպտոսի Թութմոս IV թագավորներին ստիպում էր հաշտության պայմանագիր կնքել: Պայմանագրի համաձայն Արևելամիջերկրածովյան ավազանի Հյուսիսային մասը մնում է Միտաննիին, իսկ հարավայինը անցնում է Եգիպտոսի իշխանության տակ: Պայմանագիրը վավերացնելու և Եգիպտոսի հետ բարեկամական հարաբերություններ ստեղծելու նպատակով Արտադամա I իր դստերը կնության է տալիս Եգիպտոսի Թութմոս IV թագավորին: Այս կապակցությամբ Միտաննիի թագավոր Տուշրատտան (մ. թ. ա. XIV դարի կեսեր) Եգիպտոսի Նապիտուրիա՝ Ամենհոթեպ IV (էխնաթոն) փարավոնին հղած նամակում գրում է. ...e-nu-[u:a]... [ni]e a-bu-šu ša ʾ[ni]-im-mu-u-ri-ia a-na

¹A[r]-ta-da-a-ma a-ba a-bi-ia iš-pu-ra ü DUMU-MI š[] ša [a-ba a-bi-ia a-ha-a-ti] a-bi-ia i-te-r[i]-iš-ši 5-šu 6-šu i[]-ta-par ü u-ul iu-Gi-na-a[š-š]i im-ma-ti-i-me-[e] 7-š[u] a-[ra a-ha a-bi-ia i-t] -par ü i-na e-mu-u-qi-im-ma i[]-ta]-im-ši «...երբ ...Նամաուրիայի հայրը (Նիմամուրիան կամ Նիբամուրիան Ամենհոթեպ III է, նրա հայրն է Թութմոս IV-ը—Հ. Ա.) գրեց իմ պապին՝ Արտադամային և խնդրեց իմ պապի դստեր՝ իմ հորաքրոջ ձեռքը: Կրկն նա 5 անգամ, 6 անգամ, բայց նա նրան չտվեց (կնության), երբ 7-րդ անգամ նա գրեց իմ պապին, ու հազիվ նա նրան տվեց...»²¹, Այսպիսով խաղաղություն է հաստատվում: Երկու երկրների միջև ստեղծվում են քաղաքական ու տնտեսական կապեր: Բայց երկար տարիների պատերազմական իրավիճակը թուլացրել էր Միտաննիի դիրքերը: Եվ պատահական չէ, որ մ. թ. ա. XV դարի վերջում կրկին վերելք ապրած խեթական պետության հաթուսիի II թագավորը առանց մեծ ջանքեր գործադրելու ներխուժում է Միտաննիին ենթակա Հյուսիսային Սիրիայի, Վերին Եփրատի և Հայկական լեռնաշխարհի տարածքները, ինչպես նաև պայմանագիր է կնքում Միտաննիի դաշնակից Կիցցուվատայի Պաղատիշու թագավորի հետ²², Հյուսիսային Սիրիայում հաթուսիի II-ը նվաճում է հալապ (Հալեպ) և դրանից դեպի հարավ գտնվող Նուխաշշե և Աշտատա երկրները²³, Վերին Եփրատում և Հայկական լեռնաշխարհում իրեն է ենթարկում Թեգարամա, Զազգիսա, Ալիսա, Արմատանա, Արավաննա, Իսուվա (Մոփթ) և այլ նոր քաղաքական միավորումներ: հաթուսիի II-ի կողմից այս տարածքների նվաճման մասին ուղղակի տվյալներ չեն պահպանվել, բայց այն փաստը²⁴, որ հաթուսիի II-ի իշխանությունից հետո, Թուրխալիա III-ի իշխանության տարիներին դրանք ազատագրվեցին խեթներից, բավական է հաստատելու համար, որ դրանք ենթարկված էին խեթներին, այն էլ նոր խեթական պետության սահմանները ընդարձակող առաջին թագավոր՝ հաթուսիի II-ի իշխանության տարիներին: Այս պարզաբանումից ակնհայտ է դառնում նաև այն իրողությունը, որ Հայկական լեռնաշխարհում և Վերին Եփրատում հիշատակված այս նոր քաղաքական միավորումները

²¹ EA, № 29, տող 16—18:

²² Г. М. Аветисян. Из политической истории государства Кицуватны.—ДВ. 5, 1988. с. 9.

²³ PDK, № 6, տող 10—32, էջ 82—84:

²⁴ KBo, I, № 1, տող 10—13: PDK, № 1, տող 10—13, էջ 4:

կազմավորվել են մինչև խաթուսիի II-ի իշխանությունը, խեթական պետության ճգնաժամի տարիներին (մ. թ. ա. XVI—XV դդ.)՝ այն ժամանակ, երբ Առաջավոր Ասիայում իր հզորությունը նշանավոր է դառնում Խուռի-Միտանների պետությունը։ Հենց այս տարիներին էլ, ամենայն հավանականությամբ, Հայկական լեռնաշխարհի արևմտաքում ստեղծվում են նաև Հայաստան-Աղդի և Ալդի թագավորությունները, որոնք համեմատաբար ավելի ուշ՝ մ. թ. ա. XIV դարի առաջին կեսին են հիշատակվում²⁵։ Փաստորեն հայկական պետության ակունքները հանդիսացող Հայաստան-Աղդի, Իսուվա, Ալդի, Թեգուրամա և այլ քաղաքական միավորումների կազմավորումն ու զարգացումը պայմանավորված են եղել խեթական խաթուսիի թուլության թուլության և Խուռի-Միտանների պետության հզորության մեծացման, ինչպես նաև, Խուռի-խեթական հակադրությունների ժամանակ վերին Սփրատի և Հայկական լեռնաշխարհի տարածքը միջապառնալով ու հովանավորվել է միտանական թագավորների կողմից, իսկ այնտեղ ստեղծված քաղաքական միավորումները ունեցել են միտանական կողմնորոշում։ Այդ հանգամանքը, հավանաբար, բացատրվում է նրանով, որ հիշյալ տարածաշրջանում մեծ մասամբ իշխում էին խուռիական դինաստիաները։

Խաթուսիի II-ի հաջորդ Թուգիալիա III-ի իշխանության տարիներին թուլանում է խեթական պետությունը։ Նրան ենթակա երկրները անցնում են Խուռի-Միտանների պետության նոր թագավորի՝ Շուտառնա II-ի կողմը²⁶։ Միտանների հզորանում է ու կրկին ղեկիշխող է դառնում Առաջավոր Ասիայում։ Հենց այս ժամանակ էլ Նուպտուսի փարավոն Ամենհոթեպ III-ը կնության է առնում Շուտառնայի դստերը՝ Կլուխեբային²⁷, որով էլ ավելի են ամրապնդվում եգիպտա-միտանական բարեկամական փոխհարաբերությունները։ Շուտառնայի իշխանության տարիներին Միտանների թագաժառանգն էր նրա Տուշրատա որդին։ Երբ Շուտառնան մահացավ (մ. թ. ա. XIV դարի սկիզբը) Տուշրատան անչափահաս էր և այս պատճառով էլ, ինչպես կարելի է ենթադրել Տուշրատայի նամակից, Միտանների դահ է բարձրանում թագավորի Արտաշշումարա որդին²⁸։ Արտաշաման (II-ը), որք, հավանաբար, միտանական թագավորական ընտանիքից էր և զահի հավակնորդ, պայմանավորվում է խեթական Սուպիլիուլիումա I թագավորի հետ և ոմն Փարսիի ձևերով սպանում են Արտաշշումարա թագավորին²⁹։ Դավադիրները, սակայն, որոշակի հաջողության չեն հասնում։ Միտանների դահը գրավում է Արտաշշումարայի եղբայրը՝ Տուշրատան։ Այսուհետև Միտաններն ներգրավվում է երկարատև և արյունահեղ պատերազմների մեջ։ Տուշրատայի իշխանության առաջին տարիներին Միտանների և խեթական պետության միջև սկսվում է առաջին միտանական պատերազմը։ Ըսկատամարտում Տուշրատան պար-

²⁵ H. G. Guterbock. The Deeds of Suppiluliuma as Told by His Son Mursili II.—JCS, X (1956), № 2, էջ 80 (այսուհետև՝ The Deeds of Suppiluliuma); Այստեղ խոսվում է խեթական Թուգիալիա III (մ. թ. ա. XIV դարի սկիզբը) և Հայաստան-Աղդի Կարանների թագավորների միջև Կամմախում տեղի ունեցած ճակատամարտի մասին։ Ինչ վերաբերում է Ալդին, ապա այն, որպես կազմավորված թագավորություն, հիշատակվում է Սուպիլիուլիումա I-ի իշխանության տարիներին (մ. թ. ա. XIV դարի կեսերը), տե՛ս PDK № 1, p. 8, 16, № II, p. 36։

²⁶ KBo, I, № I, տող 10—13, PDK № 1, տող 10—13, էջ 4; KBo VI, № 28, տող 6—15, տե՛ս նաև K. A. Kitchen. Suppiluliuma and the Amarna Pharaohs. Liverpool, 1962, p. 51.

²⁷ EA, № 17, տող 24—30.

²⁸ Նույն տեղում, տող 11—12, 1984 թ. Բել Բրակի պեղումների ժամանակ հայտնաբերվել է մի արձանագրություն, որտեղ Արտաշշումարան առաջին անգամ թագավորի տիտղոսով է հիշատակվում — Ar-ta-aš-su-ma-ra LUGAL—(I. Finkel. Inscriptions from Tell-Brak — 1984—Iraq, XLVII. 1985, էջ 187—201)։

²⁹ PDK, № 1, էջ 2; EA, № 17; տող 11—20։

տություն է մատնում Սուլայիլուլիումայի բանակը⁸⁰։ Հաղթանակի ժամանակ գրաված ռազմավարից Միտաննիի թագավորը նվերներ է ուղարկում իր բարեկամին՝ Եգիպտոսի Ամենհոթեպ III փարավոնին և հպարտությամբ հայտնում է նրան իր ռազմական հաջողությունների մասին⁸¹։

Խեթերի թագավորը փորձում է դիվանագիտական հարաբերություններ ստեղծել իր հարևանների՝ Միտաննիի դաշնակից երկրների հետ։ Նա հաջողությամբ խաղաղության պայմանագիր է կնքում Հայաստանի Հուկկանա և Կիցցուվատնայի Սունասուրա II թագավորների հետ⁸²։ Հուկկանային Սուլայիլուլիուման կնության է տալիս իր քրոջը և դրանով բարեկամական հարաբերություններ է ստեղծում հայաստացիների հետ։ Սունասուրային Սուլայիլուլիուման ճանաչում է որպես անկախ Կիցցուվատնայի օրինական թագավոր։ Դատելով կնքված պայմանագրերի տեքստերից՝ նա կարողանում է շահագրգռել Հուկկանային և Սունասուրային այն աստիճանի, որ վերջիններս խզում են իրենց կապերը Միտաննիի թագավորի հետ և ռազմական փոխօգնության համաձայնության են գալիս խեթերի հետ։ Խեթական ռազմական գործողությունների ժամկետան համար նպաստավոր պայմաններ ստեղծող այս հանգամանքը մեծ չափով թուլացրեց Միտաննիի և Հայկական լեռնաշխարհի մյուս թագավորությունների դիմադրությունը։ Այսպիսով, իր թիկունքն ապահովելուց հետո, Սուլայիլուլիուման արշավանք է կազմակերպում Խուվվայի (Մոփքի) դեմ։ Պարտության է մատնում այնտեղ կուտակված ռազմամիավորումներին և շարժվում է դեպի Հայկական լեռնաշխարհի հարավարևմուտքում գտնվող Ալզի (Աղձնիք) երկիրը։ Ալզիի թավավոր Անտարատլին, խուսափելով ռազմական բախումներից, հաշտություն է կնքում խեթական թագավորի հետ և այդ առթիվ որպես նվեր ստանում է Ալզիի սահմանին գտնվող և Սուլայիլուլիումայի կողմից նվաճված Կուսմար քաղաքը⁸³։ Խեթական բանակը ներխուժում է Միտաննիի հյուսիսային շրջանները և ընդհարվում միտանական ռազմական ուժի հետ։ Միտաննիի դեմ Սուլայիլուլիուման էական հաջողության չի հասնում⁸⁴։ Ուստի նա անցնում է Եգիպտոս գետը և մտնում Հյուսիսային Միդիայի տարածքը։ Այստեղ Սուլայիլուլիուման նվաճում է Խալպան (այժմ Հալեպ), Մուկիշը (Ալալախ), Նուխաշշեն, Նիան, Ինչպես նաև իր կողմն է գրավում Եգիպտոսին ենթակա սիրիական մի շարք շրջաններ։ Սուլայիլուլիումայի այս բոլոր նվաճումները, սակայն, ժամանակավոր էին, քանի որ նա չկարողացավ հաղթահարել իր գլխավոր հակառակորդին՝ Միտաննիի Տուշբատատ թագավորին, որի նախաձեռնությամբ շուտով Միդիայի և Վերին Եգիպտոսի տարածքներում կրկին հակախեթական ապստամբություններ են բռնկվում⁸⁵։ Ապստամբների դեմ հանդես է գալիս Կիցցուվատնայում քուրմ նշանակված Սուլայիլուլիումայի Թելեպինու որդին⁸⁶։ Սակայն խեթերի համար անսպասելի վտանգավոր իրադրություն է ստեղծվում։ Ինչպես կարելի է եզրակացնել Մուրսիլի II-ի հաղորդումից, Եգիպտոսի և Միտաննիի միջև կնքվում է ռազմական դաշինք⁸⁷։ Այս հանգամանքը, հավանաբար ստիպում է Թելեպինուին թողնել 600 զինվորից բաղկացած իր գունդը Լուպակկիի հրամանատարությամբ և մեկնել Խաթի՝ Սուլայիլուլիումային հայտնելու թշնամու առաջխաղացման մասին⁸⁸։ Այս ընթաց-

80 EA, № 17, տող 31—34.

81 Նույն տեղում, տող 36—38:

82 J. Friedrich. Staatsverträge des Hatti-Reiches, T. 2.—MVA(I), Bd. 34, 1930. Hf I. էջ 103—130: PDK, № 7.

83 PDK, № 1, տող 25—26, էջ 8:

84 Г. М. Аветисян. Государство Митанни, с. 73—74:

85 The Deeds of Suppiluluma, p 92,

86 Նույն տեղում:

87 Նույն տեղում, էջ 92—94:

88 Նույն տեղում, էջ 92:

որում Եգիպտոսը ազատագրում է Սիրիայի հարավային մասերը, իսկ Միտան-նին՝ Հյուսիսայինը³⁹։

Սուպպիլիուլիուման մեծ բանակով շարժվում է դեպի հարավ։ Նա Թեղա-րամայի մոտ դանդաղ թափառ բնակավայրում դորաան է անցկացնում և այնտեղից արշավանք է կազմակերպում դեպի Կարքեմիշ քաղաքը⁴⁰։ Կարքե-միշը պաշարելուց հետո Սուպպիլիուլիուման իր զորքի մի մասը ուղարկում է դեպի հարավ՝ Եգիպտոսի կողմից ազատագրված սիրիական շրջանների գեմ⁴¹։ Հենց այս ժամանակ էլ, ինչպես Եգիպտոսում, այնպես էլ Միտաննիում քա-ղաքական նոր իրադրություն է սակավում։ Եգիպտոսում մահանում է Թու-թանխամոնի փարավոնը (մ. թ. ա. XIV դարի երկրորդ կեսը)։ Գահաժառանգ չլինելու պատճառով իշխանության ղեկին է բարձրանում փարավոնի կինը՝ Տախամոնիդուն⁴²։ Թագուհին, հավանաբար, կլնելով քաղաքական իրավիճա-կից, կամ ինչպես հաղորդում է Սուպպիլիուլիուման՝ խեթական բանակի առաջ-խաղացման մտավախությունից⁴³, փորձում է հաշտվել խեթական թագավորի հետ։ Նա խնդրում է Սուպպիլիուլիումային Եգիպտոս ուղարկել իր որդիներից մեկին, պայմանով, որ նա դառնա իր ամուսինը և Եգիպտոսի թագավորը⁴⁴։ Եգիպտական թագուհու խնդրանքի անկեղծության մեջ համոզվելու նպատա-կով Սուպպիլիուլիուման սկզբում Եգիպտոս է ուղարկում Խաթթուս-Յիտին՝ իր սենեկապետին, ասելով նրան՝ «դնա և բեր ինձ ճշմարիտ խոսքը»⁴⁵։ Միա-ժամանակ Հյուսիսային Սիրիայում Սուպպիլիուլիուման հակախուտիական ռազ-մական պորժողություններ է վարում։ Նա նվաճում է Կարքեմիշը և այլ սի-րիական շրջաններ։ Խեթական թագավորը իր որդիներից Պիասիլին (խոտ. անունը Շառի-Կուշուխ) նշանակում է Կարքեմիշի թագավոր, իսկ Թեղապի-նուն՝ Խալկապի թագավոր⁴⁶։ Այս հաջողություններից հետո խեթական թագա-վորը վերագտնում է իր երկիրը՝ ձմեռելու նպատակով⁴⁷։ Գարնանը Եգիպ-տոսից, կիպտական խանի սուրհանդակի ուղեկցությամբ վերադառնում է Խաթթուս-Յիտին, բերելով լուրը կիպտական թագուհու բարի մտադրության մասին⁴⁸։ Վերջապես Սուպպիլիուլիուման Եգիպտոս է ուղարկում իր Յաննան-յա որդուն, բայց նա զեռ կիպտական պալատ չհասած սպանվում է կղիպ-տացիների ձեռքով⁴⁹։ Այդ պատճառով Սուպպիլիուլիուման ռազմական գործո-ղություններ է վերսկսում Եգիպտոսի դեմ և ստիպում է նրան կտրել սի-րիական առանձին շրջաններից⁵⁰։

³⁹ Նույն տեղում, էջ 93։ Միտաննիի տիրապետությունը Սիրիայում հասնում էր մինչև Կինդա (Կադեշ) քաղաքը (նույն տեղում, էջ 97)։

⁴⁰ Նույն տեղում, էջ 93։

⁴¹ Նույն տեղում, էջ 94։ Կեն նաև H. G. Güterbock. Mursilis accounts of Suppiluliuma's dealings with Egypt.—*Revue Hittite et asiatique*, XVIII, 1960, p. 66; E.A. № 171. տող 14—17։

⁴² Սեպադիր ^{𐎶𐎵} (Dn-ha-nu-un-zu անունը առաջացել է եգիպտերեն ^{𓆎𓅓𓏏𓏂} (t)-ns'w բա-ռից, որը նշանակում է «թագուհի»։ S.B'a W. Federn. Dahamunzu (KBo V, 6, III, 8).—JCS, XIV (1960), № 1, p. 33; K. A. Kitchen. Suppiluliuma and the Amarna Pharaohs, p. 22, not. 2; E. F. Campbell. The Chronology of the Amarna Letters. Baltimore, 1963, p. 54, ծան. 73։ Թուրանխամոնի կինը իսկական անունը եղել է Անխեսնամոն։

⁴³ The Deeds of Suppiluliuma, p. 97.

⁴⁴ Նույն տեղում, էջ 94, 97։

⁴⁵ Նույն տեղում, էջ 95։

⁴⁶ KUB. XIX, 9; KBo. VI, 28; The Deeds of Suppiluliuma, p. 95—96; K. A. Kitchen. Suppiluliuma and the Amarna Pharaohs, p. 3.

⁴⁷ The Deeds of Suppiluliuma, p. 96.

⁴⁸ Նույն տեղում, էջ 97։

⁴⁹ Նույն տեղում, էջ 108։

⁵⁰ A. Goetze. The Struggle for the Domination of Syria (1470—1300 B. C.), CAH, II, 1965, p. 20.

Միտաննիում պետական հեղաշրջում է կատարվում: Տուշրատտա թագավորը սպանվում է իր որդիներից մեկի ձեռքով⁵¹: Գահը սակայն գրավում է նախկին հավակնորդներից մեկը՝ Արտադամա II-ը: Նա միտաննական զորքի հրամանատար է նշանակում իր Շուտտառնա (III) որդուն: Իրենց իշխանությունը ամրապնդելու և պատերազմի ժամանակ ռազմական օգնություն ստանալու նպատակով նրանք ոսկի և արծաթ են ուղարկում Աշշուրի և Ալ-դիի (Աղձնիք) թագավորներին⁵²: Միտաննիի օրինական զահաթառանգը՝ Շատտիվադան Երկրից հեռանում է և հարկադրված դիմում Սուպպիլուիումա I-ի օգնությանը: Խեթական թագավորը Շատտիվադային նշանակում է իր զինվորական ջոկատների հրամանատար և այդ ջոկատները միացնում է Կարքեմիշում իշխող Պիսսիլիի զորամիավորումներին⁵³: Երկու արքայորդիները միասնական ուժերով ներխուժում են Միտաննիի սահմանները⁵⁴: Նրանք պարտության են մատնում Իրիդե⁵⁵ քաղաքի մոտ կենտրոնացված Շուտտառնայի բանակը և առանց մեծ դժվարության գրավում են իշխանությունը խուռի-Միտաննիում⁵⁶:

Սուպպիլուիուման Շատտիվադային կնության է տալիս իր դստերը և նստեցնում է նրան հայրական գահի վրա⁵⁷:

Այսպիսով, հիմնականում ավարտվում է խուռի-խեթական երկարամյա պատերազմը: Երկու երկրների միջև կնքվում է հաշտության պայմանագիր⁵⁸:

ՀԱՄԼՈՒՈՏԱԴՐՈՒԹՅՈՒՆՆԵՐԻ ՑԱՆԿ

ВДИ — Вестник древней истории.

ДВ — Древний Восток.

УКН—Г. А. Меликишвили. Урартские клинообразные надписи, М., 1960.

ЭВ — Эпиграфика Востока.

КВо — Keilschrifttexte aus Boghazköi.

КУВ — Keilschrifttexte aus Boghazköi.

JCS — Journal of Cuneiform Studies.

MVAG — Mitteilungen der Vorderasiatisch-Agyptischen Gesellschaft.

PDK — E. F. Weidner, Politische Dokumente aus Kleinasien (Die Staatsverträge in akkadischer Sprache aus dem Archiv von Boghazköi), Leipzig, 1923.

RE — Pauly-Wissowa, Real-Encyclopädie der Classischen Altertums Wissenschaft, Stuttgart.

SCO — Studi classici e orientali.

⁵¹ КВо, 1, 1, տող 48—50; PDK, № 1, տող 48—50, էջ 14—16: Հայրապետ որդու ճակատագիրը մնում է անհայտ: Հավանաբար նա նույնպես մեկ այլ թագավորության ղեկավարում:

⁵² PDK, № 2, տող 1—12, էջ 36—38.

⁵³ PDK, № 2, տող 31—36, էջ 42—44.

⁵⁴ Նույն տեղում, տող 36—40.

⁵⁵ Իրիդե քաղաքը գտնվել է Եփրատից դեպի արևելք, Կարքեմիշ և Խառան քաղաքների միջև:

⁵⁶ PDK, № 3, տող 41—55, էջ 46; The Deeds of Suppiluliuma, p. 111, տող 27—34: Շուտտառնայի ղաջնակից Աշշուրի թագավոր Աշշուրուրալիտը Շուտտառնային օգնելու նպատակով շարժվում է մինչև Միտաննիի սահմանները, բայց մեկ անհայտ հանգամանքներից ելնելով նա պատերազմին չի մասնակցում (տես J. Friedrich, Ein Bruchstück des Vertrages Mattiwaza-Suppiluliuma in Iethitischer Sprache?—Archiv für Keilschriftforschung, 1925, № 3—4, S. 119—124):

⁵⁷ PDK, № 1, տող 58, էջ 18.

⁵⁸ Նույն տեղում, № 1, № 2:

АРМЯНСКОЕ НАГОРЬЕ В СФЕРЕ ХУРРИТО-ХЕТТСКИХ ВОЕННО-ПОЛИТИЧЕСКИХ ВЗАИМООТНОШЕНИЙ

Г. М. АВЕТИСЯН

Р е з ю м е

Первые сведения о хуррито-хеттских военно-политических взаимоотношениях зафиксированы в анналах хеттского царя Хаттусили I (конец XVII в. до н. э.), согласно данным которых основные хуррито-хеттские военные действия происходили на западных границах Армянского нагорья и в Северной Сирии. Хеттские цари древнего периода, особенно Хаттусили I, Мурсили I и Телепину, вели активную военную политику, чтобы окончательно подчинить своему контролю соседние хурритские династии и северо-сирийские царства. Однако столкновения с хурритским государством Митанни, также имевшим свои политические интересы в этом регионе, не позволяли им осуществлять свои военные планы. После распада древнехеттского царства (в конце XVI в. до н. э.) к юго-востоку от его границы образовались новые города-государства: Тегарама, Арматана, Мальдия (Мелид), Аравана и др.; а на территории Армянского нагорья были созданы первые государственные образования — Хайаса-Аззи, Исува, Алше. Все эти новые политические силы придерживались во внешней политике митаннийской ориентации, и во главе с государством Митанни впоследствии (в конце XV в. до н. э.) стали активно бороться против возрожденного Хеттского царства. Эта борьба велась с переменным успехом вплоть до царствования Шаттиваззы в Митанни (во II половине XIV в. до н. э.), когда между Хатти и Митанни был заключен мирный договор, закрепленный браком Шаттиваззы с дочерью хеттского царя Суппилулиумы I.

ARMENIAN HIGHLANDS IN THE SPHERE OF THE HURRIAN AND HITTITE MILITARY-POLITICAL RELATIONS

H. M. AVETISSIAN

S u m m a r y

The old Hittite inscriptions mention that in the XVII—XVI B. C. the main military operations between the Hurrians and the Hittites took place in the west border of the Armenian Highlands and Northern Syria. The Hittite kings Hattusili I, Mursili I, Hantili and Telepinu tried to keep under their control neighbouring Hurrian dynasties and Northern Syrian kingdoms, but they began to clash with the kings of Hurri—Mitanni and were unable to realize their military operations. At the end of XVI B. C., the old Hittite kingdom ceased to exist as a power. Hayasa-Azzi, Isuwa, Alse, Tegarama, Armatana, Malidia, Aravana and other new state formations had been formed in the Armenian Highlands and to the south-east of Hittite kingdom. These new political powers adopted the Mitannian orientation and headed by the Hurrian kingdom. At the end of XV B. C., they began to clash with the Hittite state, which had regained its power. The military operations between the Hurrians and the Hittites ceased in the second half of XIV B. C. when the Hittite king Suppiluliuma I concluded a treaty with Mitannian king Sattiwazza and gave him one of his daughters in marriage.